

春秋列國論卷之十二目錄

楚

顓頊高陽之後陸終少子季連之苗裔熊繹成王時封于楚以子男之田姓芊氏自鬻熊至武王世



武王

文王

堵敖

成王

穆王

莊王

共王

論一則

論一則

論一則

論一則

康王

郊教

靈王

論一則

平王

昭王

惠王

論一則

右論六則

春秋列國論卷之十二目錄

春秋列國論卷十二

楚

明 婁東張溥西銘父著

芊姓子爵出自顓帝孫重黎為高辛氏火正能光
融天下命曰祝融其弟吳回嗣為祝融生陸終陸
終娶鬼方之女孕而不育十一年開其左脇而出
三人焉又開其右脇而出三人焉長曰昆吳名樊
為己姓封於衛墟為夏伯湯伐桀滅之次曰參胡
董姓封於韓墟周時為胡國楚滅之三曰彭祖名
翦彭姓封於韓大彭之墟即彭城也為商伯商末

始亡四曰會人妘姓封於鄭墟五曰安曹姓封于

邾之墟六曰季連芊姓音朱季連之苗裔鬻熊為周

文武師成王時舉文武勤勞之後嗣得鬻熊之曾

孫熊繹封于子荆蠻胙以子之田居丹陽按傳繹辟在荆

山荆山在今襄陽則丹陽在荆州枝江漢志以為在江都之丹陽或以為本在歸州皆非繹子

熊艾生熊黜音但熊黜生熊勝熊勝以弟熊楊為後

熊楊生熊渠卒中子熊摯紅立摯紅卒其弟弒而

代立曰熊延熊延卒子熊勇立十年卒弟熊嚴繼

立十年卒子伯霜代立為熊霜立六年卒少弟季

狗立為熊狗立二十二年卒子熊罟立九年卒子

熊儀立為若敖立二十七年卒子熊坎立為宵敖

六年卒子熊駒立駒音舜為蚡冒立十七年卒其弟

熊通弒蚡冒子自立為楚武王武王十九年入春

秋其後徙都郢改荆號楚今江陵縣東北三里有

舊郢城地理志文王自丹陽徙都郢後遷于都襄陽宜城縣西

南有都亭山昭王畏吳自郢徙都名都為郢至頃襄王為秦拔郢保於陳即故陳國

又遷壽春今鳳陽府壽州也亦名曰郢考烈王畏秦自陳東

徙壽春惠王章八年獲麟傳十二王而秦滅之

武王名熊通霄敖子蚡冒弟十九年入春秋莊四年卒在位五十一年謚法夸志多窮曰

武

桓二年 蔡侯 鄭伯 會于鄧

左傳 楚武王侵隨使薳章求成焉隨侯懼而脩政

楚不 敢伐

八年 左傳 夏楚子伐隨隨師敗績秋隨及楚平

九年 左傳 夏楚使鬬廉帥師及巴師圍鄧鄧養甥聃甥

帥師救鄧三逐巴師不克鬬廉衡陳其師於

巴師之中以戰而北鄧人逐之背巴師而夾

攻之鄧師大 敗鄧人宵潰

十一 左傳 楚屈瑕將盟貳軫鄢人軍於蒲騷將與隨絞

州蓼伐楚師鬬廉敗鄢 師于蒲騷卒盟而還

十二 左傳 楚伐絞大敗之為城下之盟而還

十三 左傳 春楚屈瑕伐羅羅與盧戎兩軍之大敗之莫

敖縊于 荒谷

莊四 左傳 春楚武王伐隨卒于滿木之下

文王 名熊賁武王子莊五年即位十九年

卒在位十五年謚法慈惠愛民曰文

莊六 左傳 楚莊伐申過鄧鄧祁侯曰吾甥也止而享之

騶甥聃甥養甥請殺楚子鄧侯弗許還

十三年 秋七月荆入蔡

十六 秋荆伐鄭

十八 左傳 初楚武王克權使鬬縉尹之以叛圍而殺之

遷權於那處使鬬敖尹之及文王即位與巴人伐申而驚其師巴人叛楚而伐處取之遂門于楚鬬敖游涌而逸楚子殺之其族為亂冬巴人因之以伐楚十九年春楚子禦之犬敗於津還鬻拳弗納遂伐黃敗黃師于蹠陵還及湫有疾夏六月庚申卒鬻拳葬諸夕室亦自殺也而葬於經皇

堵敖 名熊韞文王子莊二十年即位二十年為弟弒在位三年韞古艱字楚人謂未成君

為敖

成王 名頤堵敖弟文王子弒兄自立二十二年即位文元年為子弒在位四十六年謚法

安民立政曰成

莊二十三年 **夏荆人來聘**

二十八年 **秋荆伐鄭**

三十左傳 楚公子元歸自伐鄭而處王官鬬射師諫則執而梏之 秋申公鬬班殺子元鬬穀於菟為令尹自毀其家以紓楚國之難

僖元年 **秋楚人伐鄭**

二年 **冬楚人侵鄭**

三年 **冬楚人伐鄭**

四年 **春王正月公會齊侯宋公陳侯衛侯鄭伯許男曹**

伯侵蔡蔡潰遂伐楚次于陘 夏楚屈完來盟于

師盟于召陵

五年 **秋楚人滅弦弦子奔黃**

六年 **秋楚人圍許**

十一年 冬楚人伐黃

十二年 夏楚人滅黃

十五年 春楚人伐徐 冬楚人敗徐于婁林

十九年 冬會陳人蔡人楚人鄭人盟于齊

二十年 冬楚人伐隨

二十一年 春宋人齊人楚人盟于鹿上 秋宋公楚子陳

侯蔡侯鄭伯許男曹伯會于孟執宋公以伐宋 冬

楚人使宜申來獻捷 十有二月癸丑公會諸侯

盟于薄釋宋公

二十二年 冬十有一月己巳朔宋公及楚人戰于泓宋師

敗績

左傳

丙子晨鄭文夫人芊氏姜氏會楚子于柯澤
楚子使師縉云之俘馘丁丑楚子入饗于鄭
取鄭二姬以歸諸侯是以知其不遂霸也

二十三年 秋楚人伐陳

二十四年 左傳 宋及楚平宋成公如楚

二十五年 秋楚人圍陳納頓子于頓

二十六年 夏公子遂如楚乞師 秋楚人滅夔以夔子歸

冬楚人伐宋圍緡 公以楚師伐齊取穀

二十七年 冬楚人陳侯蔡侯鄭伯許男圍宋

二十八年 春晉侯伐衛楚人救衛 夏四月己巳晉侯齊

師宋師秦師及楚人戰于城濮楚師敗績楚殺其大夫得臣衛侯出奔楚六月衛侯鄭自楚復歸于

衛

三十左傳

楚令尹子上侵陳蔡陳蔡成遂伐鄭將納公子瑕門于桔柣之門瑕覆于周氏之汪外僕鬻屯禽之以獻文夫人歛而葬之鄆城之下而軍陽子患之使謂子上曰吾聞之文不犯順武不違敵子若欲戰則吾退舍子濟而陳遲速唯命不然紆我老師費財亦無益也乃駕以待子上欲涉大孫曰不可晉人無信半涉而薄我悔敗何及不如紆之乃退舍陽子宣言曰楚師遁矣遂歸楚師亦歸太子商臣讚子上曰受晉賂而辟之楚之耻也罪莫大焉王殺子上

文元年冬十月丁未楚世子商臣弑其君頹

魯桓公二年蔡侯鄭伯會于鄧傳云始懼楚也蔡鄭

鄧三國處楚北境鄧尤密邇時楚武王熊通始僭稱

王憑陵江漢鄧患之甚為地主而會蔡鄭于其國然

荆楚之號猶未見經也至楚文王熊貲則書荆敗蔡

師荆入蔡荆伐鄭成王頹則書楚人伐鄭以後常書

楚荆者楚本號國以州舉楚者成王時令尹子文得

政國益強改稱楚以交于中國也荆敗蔡師于葉執

蔡侯獻舞以歸其後蔡侯未嘗書歸國史記曰楚文

王虜蔡哀侯以歸留九年死于楚甚哉楚之暴蔡之

春秋左傳卷十一

春秋列國論 卷十二
弱也。踰年復入蔡。蔡自是折而從楚矣。蔡者楚所由病中國之要道也。卽無息媯之怨勢在必爭。故憂楚者自敗蔡師。始旣入蔡。卽伐鄭。楚無蔡梗患先及鄭。得鄭卽可出而四瞰中原大國之君。不得不起而爭之。是故魯莊十六年之荆伐鄭。又南北爭鄭之始也。楚成初伐鄭。魯會齊人宋人救鄭。齊桓霸王魯望國。宋王者後救鄭制楚其先務也。楚漸強爭鄭。漸亟連歲侵伐齊桓。未有以創之也。會于榿以合諸侯盟于貫。以來江黃。遂侵蔡。伐楚次于涇。楚屈完來成盟而退。蔡自哀侯之敗。堅于事楚。不通中國者二十四年。

于茲齊欲威楚。必先得蔡。侵蔡者奇兵也。伐楚者正兵也。然完旣來盟。一盟足矣。兩書盟者。來盟于師。楚志也。盟于召陵。齊志也。楚畏齊師。則來求盟。齊慮楚叛。則再與完盟。一則信。再則實。君子曰。召陵之盟。卽楚他日滅弦圍許。滅黃伐徐之見端也。貫之盟。管仲謂齊桓曰。江黃遠齊而近楚楚爲利之國也。若伐而不能救。則無以宗諸侯矣。桓公不聽。遂與之盟。管仲死。楚伐江滅黃。齊果不能救也。齊桓之世。楚卽滅弦。黃伐徐。許莫敢誰何。桓公薨。楚益無忌。區區之宋。其能抗乎。盟齊之舉。楚竟列中國而宋襄欲招以就。

我○何○其○愚○也○鹿○上○之○盟○宋○曰○盟○楚○亦○曰○盟○孟○之○會○宋○
曰○會○楚○亦○曰○會○然○而○宋○公○執○矣○執○宋○公○以○伐○宋○又○來○
獻○捷○于○魯○要○僖○公○往○盟○薄○耀○威○而○後○釋○之○泓○之○戰○宋○
師○敗○襄○公○亡○楚○且○謂○諸○夏○唯○我○役○也○伐○陳○而○納○頓○子○
滅○夔○而○執○夔○子○取○之○之○易○猶○蔡○侯○也○魯○于○楚○初○受○聘○
既○同○盟○後○遂○乞○師○以○伐○齊○取○穀○以○禮○義○之○邦○宗○國○之○
長○甘○心○下○楚○列○國○又○誰○與○敵○令○非○晉○文○興○伯○城○濮○一○
戰○折○其○驕○銳○蠻○夷○薦○食○禍○未○艾○也○楚○武○伐○隨○隨○侯○惕○
于○季○梁○之○言○脩○政○而○親○兄○弟○楚○雖○勝○于○速○杞○獲○其○少○
師○終○未○得○志○武○王○竟○卒○于○櫛○木○之○下○至○成○王○令○子○文○

帥○師○僅○能○取○成○而○已○倘○東○諸○侯○有○自○強○如○隨○者○豈○遂○
不○足○支○楚○哉○惜○乎○宋○襄○非○其○人○也○

穆王

名商臣成王子弒父自立文二年即位十一年卒在位十二年謚法名與實爽曰穆

文三

春王正月叔孫得臣會晉人

襄宋人

成陳人

共

衛人

成

鄭人

穆

伐沈沈潰

秋楚人圍江

晉陽

處父帥師伐楚以救江

四

秋楚人滅江

五

秦人入郟秋楚人滅六

九

春楚人伐鄭公子遂會晉人宋人衛人許人救鄭

左傳

夏楚侵陳克壺丘以其服于晉也秋楚公子

朱自東夷伐陳陳人敗之
獲公子茂陳懼乃及楚平

冬楚子使椒來聘

十年夏楚殺其大夫宜申
冬楚子蔡侯次于厥貉

十一年春楚子伐麇

十二年夏楚人圍巢

楚成王泓戰敗宋入饗于鄭取二姬以歸鄭叔詹知其不沒也後遭子禍不得死所春秋書曰楚世子商臣殺其君頹稱世子見其有父之親稱君見其有君之尊也然攷之史書成王弑兄堵敖而自立弟可弑兄即子可弑父楚之無君也四十有六年矣商臣其

效之而甚者也楚成享國日久身當兩霸齊桓圖之二十餘年始有陘之師晉文一舉遂為城濮之戰齊謀霸緩晉謀霸速及其成也要以服楚為功成王身介其間盟於齊敗于晉鷲鳥伏攫戰守並用其才類有過人者穆王蠡目豺聲其忍似父遠畧弗如也乃即經傳所書其兼小國也滅江滅六伐麇圍巢其侮大國也師狼淵以伐鄭克壺丘以平陳次厥貉以服宋北方之圖銳于成王十二年間未嘗一跌何也則以中國無霸也楚成即位每歲爭鄭齊桓主霸盟于召陵即與鄭解兵終身無動窺齊霸之衰用師以擾

春秋左傳卷之二十一
弦黃徐許亦伐其近者小者未敢出而遠圖也齊桓
薨孝公立楚反合齊謀宋越漢東陵上國晉文創之
兵變遂息因時闔闢利則進不利則退蠻夷之故智
也楚穆弑立天人怨怒晉襄嗣霸不正名討賊僅以
伐沈救江勉塞眾望楚何畏焉楚成之伐徐也齊桓
爲伐厲以救徐楚卒敗徐于婁林齊救無功楚穆圍
江晉陽處父帥師伐楚以救江名爲救伐偏師遽退
其懼楚也甚于齊之伐厲矣楚成伐黃自冬越夏而
滅黃楚穆圍江自秋徂秋而滅江哀黃者病齊哀江
者病晉閱三時歷一碁而中國之救不及江黃之君

唯有死于其位國爲楚有耳晉襄薨靈公立楚穆伐
鄭夫城濮以後楚兵不加于鄭者十五年矣復敢伐
者知晉之志不在諸侯也趙盾立靈公有令狐之戰
秦晉不睦其時大夫被殺者以陽處父士穀箕鄭父
之屬告出奔者以狐射姑先蔑之屬告僅盟于扈又
以大夫盟諸侯無禮致譏晉無伯志人盡知之豈特
楚范山哉晉救鄭不及楚益得氣陳與楚平宋奉楚
役其勢然也楚成欲立商臣爲太子訪諸令尹子上
子上阻之商臣卽譖殺子上及弑君頽左右之黨多
潘崇也莫有起而問者子西子家臣商臣者十年忽

圖弑之謀不以義動非其時歸死何益乎緩亂賊之
誅縱中華之患讀春秋者至于楚穆思伯益勤矣

莊王

名旅穆王子文十四年即位宣十八年卒在位二十三年謚法屢征殺伐曰莊

文十左傳

楚莊王立子孔潘崇將襲羣舒使公子燮與子儀守而伐舒蓼二子作亂城郢而使賊殺子孔不克而還八月二子以楚子出將如商密廬戢黎及叔麋誘之遂殺鬬克及公子燮初鬬克囚于秦秦有殺之敗而使歸求成而不志公子燮求令尹而不得故二子作亂

十六年秋楚人秦人巴人滅庸

宣元年夏楚子鄭人侵陳遂侵宋

三年春楚子伐陸渾之戎夏楚人侵鄭

四年冬楚子伐鄭

左傳

初楚司馬子良生子越椒子文曰必殺之弗殺必滅若敖氏矣子良不可及令尹子文卒鬬般為令尹子越為司馬薦賈為工正諸子揚而殺之子越為令尹已為司馬子越又惡之乃以若敖氏之族圍伯麇于轅陽而殺之遂處烝野將攻王秋七月戊戌楚子與若敖氏戰于臯澣遂滅若敖氏

五年冬楚人伐鄭

左傳

楚人伐鄭取成而還

八年夏楚人滅舒蓼冬楚師伐陳

九年冬楚子伐鄭

十一年夏楚子陳侯鄭伯盟于辰陵

左傳

楚左尹子重侵宋王待諸鄆令尹薦艾獵城

冬十月楚人殺陳夏徵舒丁亥楚子入陳納公孫

寧儀行父于陳

年十二 春楚子圍鄭 夏六月乙卯晉荀林父帥師及

楚子戰于邲晉師敗績

左傳

秋鄭伯許男如楚

冬十有二月戊寅楚子滅蕭

年十三 夏楚子伐宋

年十四 秋九月楚子圍宋

年十五 春公孫歸父會楚子于宋 夏五月宋人及楚

人平

年十八 秋七月甲戌楚子旅卒

楚莊王在位二十三年春秋書滅國者三滅庸之謀

薦賈啟之以庸帥群蠻叛楚也莊王新立鬪克與公

子燮作亂廬戢黎叔麋誘而殺之國人始定且史言

王左鄭姬右越女坐鐘鼓之間三年不出號令伍舉

蘇從進諫王乃罷淫樂聽政是則三年之內楚國方

病宜乎庸麋百濮乘饑而起也北門不啟謀徙阪高

賈請伐庸以懼麋濮於是七遇設而庸滅楚威復振

春秋列國論卷十二
且城濮之役秦人從晉以攘楚今反助楚滅庸秦通
于楚而不憂齊晉之限楚連于秦而不憂西南之隔
將大爲中國患而諸侯不悟也舒蓼爲疆盟及吳越
蕭人不守宋失附庸其滅人國也取諸懷中耳或曰
楚殺夏徵舒輟諸栗門因縣陳申叔時不可乃復封
陳其圍鄭也入自皇門至于達路鄭伯肉袒牽羊請
俘江南反退三十里而許之平宋殺申舟楚往圍之
宋人易子而食析骸而炊華元以告子反引師而去
之此三者楚皆可有其國而不有是楚子之賢也然
陳宋三恪鄭國宗彊在春秋時諸侯之大者也非若

庸蕭舒蓼可以折筭定也楚若縣陳中國之師必萃
于楚萃于楚則楚力必詘楚力旣詘必不能出圖鄭
宋莊王知之審矣于陳則曰不貪其富于鄭則曰其
君下人于宋則曰無詐無虞不服卽討能服卽退楚
釋一陳天下皆曰楚能滅陳而能釋陳也則楚再有
陳矣楚釋一鄭天下皆曰楚能滅鄭而能釋鄭也則
楚再有鄭矣楚釋一宋天下皆曰楚能滅宋而能釋
宋也則楚再有宋矣申叔不賀而獻奪牛之諭子反
在師而受登牀之盟豈二三大夫獨不樂享大國專
命自遂乎君臣之際有成謀焉一操一舍而姑以辭

令為威也。欒武子曰：楚自克庸以來，其君不驕。隨武子曰：昔歲入陳，今茲入鄭，民不罷勞，君無怨讟，可謂善論楚莊者矣。非桓文之師，而有仁義之言，是以近乎伯也。

共王 各審莊王子成元年即位襄十三年卒在位三十一年謚法既過能改曰恭

成二年冬，楚師鄭師侵衛，十有一月公會楚公子嬰齊于蜀，丙申公及楚人、秦人、宋人、陳人、衛人、鄭人、齊人、曹人、邾人、薛人、鄆人盟于蜀。

左傳 共王即位巫臣奔晉晉人使為邢大夫冬楚師及宋公衡逃歸

三年 左傳 晉人歸楚公子穀臣與連尹襄老之尸于楚，以求知瑩。王重為之禮而歸之。

五年 左傳 許靈公愬鄭伯于楚，六月鄭悼公如楚，訟不勝。楚人執皇戌及子國，故鄭伯歸使公子偃請成于晉。

六年秋，楚公子嬰齊帥師伐鄭，吳入州來。

七年秋，楚公子嬰齊帥師伐鄭，吳入州來。

九年冬，楚公子嬰齊帥師伐莒，庚申莒潰，楚人入鄆。 左傳 春，楚人以重賂求鄭鄭伯會楚公子成于鄆，十二月楚子使公辰如晉，報鍾儀之使，請脩好，結成。

十一年 左傳 宋華元善於令尹子重，又善於欒武子，聞楚

人既許晉糴菽成而使歸復命矣
冬華元如楚遂如晉合晉楚之成

十二年左傳 晉卻至如楚聘且涖盟楚子享之冬楚公子

罷如晉聘且涖盟十二月晉
侯及楚公子罷盟于赤棘

十五年 夏楚子伐鄭 冬許遷于葉

十六年 夏六月甲午晦晉侯及楚子鄭伯戰于鄢陵楚

子鄭師敗績 楚殺其大夫公子側

十七年 冬楚人滅舒庸

十八年 夏楚子鄭伯伐宋宋魚石復入于彭城 冬楚

人鄭人侵宋

襄二 年 冬楚殺其大夫公子申

三年 春楚公子嬰齊帥師伐吳

左傳 楚司馬公子何忌侵陳陳叛故也

五年 夏楚殺其大夫公子壬夫 冬楚公子貞帥師伐

陳

七年 冬楚公子貞帥師圍陳

八年 冬楚公子貞帥師伐鄭

九年 冬楚子伐鄭

十年 夏楚公子貞鄭公孫輒帥師伐宋 冬戍鄭虎牢

楚公子貞帥師救鄭

左傳

秋七月楚子囊鄭子耳伐我西鄙還圍蕭八

月丙寅
克之

十一 秋楚子鄭伯伐宋楚人執鄭行人良霄

十二 冬楚公子貞帥師侵宋

十三 秋九月庚辰楚子審卒

楚專主中國之盟莫盛于蜀成之盟宋穆之厥貉莊之辰陵皆不及也自是楚出伐遂書大夫將矣共王之篇書伐鄭者五救鄭者一伐宋者三侵宋者二伐陳者一伐吳者一伐莒者一而帥師者四書公子嬰齊一書公子壬夫六書公子貞著楚強也鄢陵之戰共王傷目楚師敗績其歿也告諸大夫曰不穀不德

生十年而喪先君未習教訓亡師于鄢以辱社稷共王懷此耻以終死不瞑也雖然鄢戰以前楚屢伐鄭晉景盟馬陵以救鄭侵蔡以圖楚未一得志及乎厲公會于瑣澤同盟于戚楚伐鄭如故晉會吳于鍾離以間之鄭已服楚同病中國幸而有鄢陵之捷則楚亡晉霸之日也未幾楚滅舒庸伐中國勢不加弱豈天方授楚未可力爭乎弔晉者曰厲公無道恃勝而弑晉之憂楚之喜也賀晉者曰厲公雖亡悼公再興晉文復伯楚不足圖也抑悼之慮楚念之熟矣楚鄭伐宋納魚石于彭城又繼之以侵楚無宋即無晉也

悼公合諸侯圍宋彭城執叛人而楚公子壬夫侵宋
鄭成公伐宋俱不能爲患齊桓之伯始于平宋亂晉
文之霸始于釋宋圍悼公之伯始于圍宋彭城凡救
宋者謀伯之先務也鄭與楚合則伐之陳爲楚圍則
救之鄭宋交攻晉楚日戰寃至蕭魚會而鄭服公子
貞再侵而宋安悼公不可不謂善屈楚也楚敗于鄆
乘厲公之弑欲肆憑陵而悼公復伯無以難晉乃日
逞兵于宋鄭陳三國以覲撓晉縱不大勝得示無弱
足矣敗于鄆而殺側諸侯城鄭虎牢而殺申陳叛而
殺壬夫八年之中殺其三卿楚誠不刑然積忿封疆

施刑貴戚務在兵強而法行不顧其忍也嬰齊伐吳
喪其組練遇心疾而卒亦有惕于子反之死乎楚共
督其臣之致力于師也期畢命焉雖不敢正向晉而
歲以兵見無非爲鄆之役倣也春秋二百四十二年
中國勝楚者唯城濮鄆陵二戰城濮之戰文公持勝
而動尚有憂色鄆之戰晉無成謀呂錡射共王中目
薄楚于險危幸致勝晉厲不能居也楚持其常不敗
者以當晉之倖一勝者卽悼公三駕楚不重困無莊
之大度而有成王之老謀其人不死固中國一勁
敵哉

康王

名昭共王子襄十四年即位二十八年卒在位十五年諡法安樂撫民曰康

襄十左傳

吳侵楚養由基奔命子庚以師繼之戰于庸浦大敗吳師獲公子黨鄭良霄太宰石奩猶在楚楚人歸之

十四年 秋楚公子貞帥師伐吳

左傳

楚子囊還自伐吳卒將死遺言謂子庚必城郢

十五左傳

楚公子午為令尹公子罷戎為右尹薦子馮為大司馬公子橐師為右司馬公子成為左司馬屈到為莫敖公子追舒為箴尹屈蕩為連尹養由基為宮廐尹以靖國人君子謂楚於是乎能官人

十八年 冬楚公子午帥師伐鄭

二十二年 秋蔡殺其大夫公子燮蔡公子履出奔楚 陳

侯之弟黃出奔楚

二十左傳

夏楚子使鬻子馮為令尹訪於申叔豫叔豫曰國多寵而王弱國不可為遂以疾辭乃使子南為令尹

秋晉欒盈出奔楚

二十二年 冬楚殺其大夫公子追舒

二十三年 夏陳侯之弟黃自楚歸于陳

二十四年 夏楚子伐吳 冬楚子蔡侯陳侯許男伐鄭陳

鍼宜咎出奔楚

二十五年 秋楚屈建帥師滅舒鳩

左傳

楚薦掩為司馬子木使庀賦數甲兵既成以授子木禮也

十二月吳子遏伐楚門于巢卒

左傳

楚子以滅舒鳩賞子木辭曰先大夫薦子之功也以與薦掩

二十左傳

六年

楚子秦人侵吳及雩婁聞吳有備而還遂侵鄭五月至于城麇鄭皇頡戌之出與楚師戰敗穿封戌囚皇頡公子圍與之爭之正于伯州犁伯州犁曰請問于囚乃立囚伯州犁曰所爭君子也其何不知上其手曰夫子為王子圍寡君之貴介弟也下其手曰此子為穿封戌方城外之縣尹也誰獲子囚曰頡遇王子弱焉戌怒抽戈逐王子圍弗及楚人以皇頡歸印董父與皇頡戌城麇楚人囚之以獻

於秦鄭人取貨於印氏以請之子太叔為令正以為請子產曰不獲受楚之功而取貨于鄭不可謂國秦不其然若曰拜君之勤鄭國微君之惠楚師其猶在敝邑之城下其可弗從遂行秦人不予更幣從子產而後獲之初楚伍參與蔡太師子朝反其子伍舉與聲子相善也伍舉娶于王子牟王子牟為申公而亡楚人曰伍舉實送之伍舉奔鄭將遂奔晉聲子將如晉遇之於鄭郊班荆相與食而言復故聲子曰子行也吾必復子及宋向戌將平晉楚聲子通使于晉還如楚令尹子木與之語且曰椒舉今在晉矣晉人將與之縣言諸王益其祿爵而復之聲子使椒鳴逆之

八月壬午許男甯卒于楚 楚子蔡侯陳侯伐鄭

二十七年 夏叔孫豹會晉趙武楚屈建蔡公孫歸生衛石

惡陳孔奐鄭良霄許人曹人于宋 秋七月辛巳

豹及諸侯之大夫盟于宋

左傳

楚遠罷如晉涖盟晉侯享之將出賦既醉叔向曰遠氏之有後于楚國也宜哉

二十八年冬十有一月公如楚 乙未楚子昭卒

左傳

楚屈建卒趙文子喪之如同盟禮也名熊麋康王子襄二十九年即位昭元年弒在位四年喪于邲故曰邲楚人謂未成

君為

襄二十九年春王正月公在楚

左傳

夏四月葬楚康王公及陳侯鄭伯許男送葬至于西門之外諸侯之大夫皆至于墓楚邲放即位王子圍為令尹鄭行人子羽曰是謂

夏五月公至自楚

不宜必代之昌松栢之下其草不殖

三十一年春王正月楚子使遠罷來聘

左傳

楚公子圍殺大司馬蔣掩而取其室申無宇曰王子必不免

三十一年

衛侯在楚北宮文子見令尹圍之威儀言於衛侯曰令尹似君矣將有他志雖獲其志不能終也

昭元年春叔孫豹會晉趙武楚公子圍齊國弱宋向戌

衛齊惡陳公子招蔡公孫歸生鄭罕虎許人曹人

于虢 冬十有一月巳酉楚子麋卒 楚公子比

出奔晉

靈王

名圍共王子弑兄子邾敖自立改名虔昭二年即位十三年弑在位十二年謚法亂而不損曰靈

昭三左傳

十月鄭伯如楚子產相楚子享之賦吉日既享子產乃具田備王以田江南之夢

年四

夏楚子蔡侯陳侯鄭伯許男徐子滕子頓子胡子

沈子小邾子宋世子佐淮夷會于申 楚人執徐

子 秋七月楚子蔡侯陳侯許男頓子胡子沈子

淮夷伐吳執齊慶封殺之遂滅賴

左傳

春王正月許男如楚楚子止之遂止鄭伯復

田江南許男與焉使椒舉如晉求諸侯二君待之椒舉致命曰寡君使舉曰日君有惠賜盟于宋曰晉楚之從交相見也以歲之不易寡君願結驩於二三君使舉請間君若苟無四方之虞則願假寵以請於諸侯晉侯欲勿許司馬侯曰不可乃許楚使椒舉遂請昏晉侯許之 冬吳伐楚入棘櫟麻以報朱方之役楚沈尹射奔命於夏汭箴尹宜咎城鍾離遺啟疆城巢然丹城州來東國水不可以城彭生罷賴之師

年五

春楚殺其大夫屈申 冬楚子蔡侯陳侯許男頓

子沈子徐人越人伐吳

左傳

晉韓宣子如楚送女叔向為介

年六

秋楚薳罷帥師伐吳 冬叔弓如楚

左傳

六月楚公子棄疾如晉報韓子也

七年春三月公如楚

左傳

楚子之為令尹也為王旌以田芋尹無宇斷之曰一國兩君其誰堪之及即位為章華之宮納亡人以實之無宇之闢入焉無宇執之夏楚子享公子于新臺使長鬣者相好以大屈既而悔之遠啟疆聞之見公公語之拜賀公曰何賀對曰齊與晉越欲此久矣寡君無適與已而傳諸君君其備禦三隣慎守寶矣敢不賀乎公懼乃反之

八年夏楚人執陳行人于徵師殺之 冬十月壬午楚

師滅陳執陳公子招放之于越殺陳孔奐

九年春叔弓會楚子于陳

十年夏四月丁巳楚子虔誘蔡侯般殺之于申 楚

公子棄疾帥師圍蔡 冬十有一月丁酉楚師滅

蔡執蔡世子有以歸用之

左傳

楚子城陳蔡不美使棄疾為蔡公

十二年春楚殺其大夫成熊 秋楚子伐徐

十三年夏四月楚公子比自晉歸于楚弑其君虔于乾

谿 楚公子棄疾殺公子比

楚康弱王也而能官人當其世為令尹者盡賢者也

公子午卒則用遠子馮遠子馮卒則用屈建咸稱卿

才足以靖國惟公子追舒暱觀起而惡于國人康王

三泣其子遂殺于朝春秋列國楚號多才公族尤顯

春秋列國論卷十二
其法親疎參用執國政者一千衆怒立拘司敗不若
魯三家晉六卿之世怙其寵也法行自近政不下移
是故大夫之患惟楚無之屈建尹楚善宋向戌戍以
弭兵請晉有宋之盟楚竟與晉同爲中國會主從晉
之諸侯皆朝于楚是舉也于宋爲利于晉爲辱在楚
則四方之觀百世之福也成王雖強莊王雖賢圖之
數十年戰秦晉爭宋鄭未得一號令北方而康王兵
不出境奄有諸侯會盟之序又居晉先外以恤民爲
名而天下大勢盡移于楚楚大臣善謀國如建者卽
子文叔敖弗如也康王卒邲敖立楚公子圍聘于鄭

遂會于虢尋宋之盟以大夫出聘爲妻而行敢合諸
侯無改舊書楚仍先晉趙武不能出片辭折之使重
得志爲國厚耻不知其義何所處也圍爲令尹田用
王旌出前執戈會設蒲宮享賦大明雖未王其威儀
已王矣無何卽弑王而代之大會于申以召諸侯淮
夷並從伐吳滅賴皆用四方之師曩者宋之盟諸侯
欲弭兵也兵未得弭而反供夷役晉倒授楚以柄諸
侯自爲計者失也齊慶封齊亂臣也執諸吳而滅其
族陳公子招殺其世子偃師者也執而放之越蔡侯
般弑其君固而自立者也誘而殺之申不數年間殄

滅三亂非不以義號衆然慶封陳招罪不加于篡弑
蔡般弑君矣十三年而會主不問楚自庇之也一旦
以賊誅賊猶之兩下相殺而已矣楚克朱方將戮慶
封椒舉曰無瑕者可戮人君其勿播于諸侯也靈王
不聽徇于軍中曰有若齊慶封弑其君者乎慶封亦
曰有若楚公子圍弑其兄之子而代爲君者乎軍人
粲然皆笑夫懷惡而討雖死不服陳招蔡般豈獨服
乎是又一慶封也伐吳而滅賴伐陳而滅陳圍蔡而
滅蔡又用蔡世子于岡山比之五牲春秋不仁之君
未有甚於楚靈者也康王之世伐吳者二庸浦則楚

勝臯舟則吳勝然巢隕諸樊闞戕戴吳吳少挫矣靈
王三伐吳而鵠岸房鍾楚人兩敗陳蔡旣滅中國可
圖懼吳乘其後乃伐徐以脅之將求鼎于周求昆吾
舊許之田惟楚命也而忽辱于軋谿縊邾敖而弑之
身亦自縊也殺邾敖之二子比與棄疾亦殺其二子
也昔詬天而呼今投車而泣方欲追踪六王二公而
禍更烈於三季論世者曰楚靈之軋谿隋廣之江都
金亮之瓜步三者蓋相類焉

平王

名棄疾卽位改名熊居共王子靈王季弟
十三年脅立兄公子比弑靈王旣而殺比
自立昭十四年卽位二十六年卒
在位十二年謚法治而無背曰平

昭十三年秋蔡侯廬歸于蔡陳侯吳歸于陳

十四左傳

夏楚子使然丹簡上國之兵於宗丘使屈罷簡東國之兵於召陵楚令尹子旗有德于王不知度與養氏比而求無厭王患之九月甲午楚子殺鬬成然而滅養氏之族使鬬辛居郢以無忘舊勳

十五年夏蔡朝吳出奔鄭

十六年春楚子誘戎蠻子殺之

十七年冬楚人及吳戰于長岸

十九左傳

春楚工尹赤遷陰于下陰令尹子瑕城郟叔孫昭子曰楚不諸侯矣楚子之在蔡也郟陽封人之女奔之生太子建及卽位使伍奢為之師費無極為少師無寵焉故譖諸王曰建可室矣王為之聘於秦無極與逆勸王取

之正月楚夫人羸氏至自秦楚子為舟師以伐濮費無極言于楚子曰大城城父而寘大子焉楚人城州來沈尹戌曰楚人必敗

二十左傳

費無忌言於楚子曰建與伍奢將以方城之外叛王信之執伍奢使城父司馬奮揚殺太子未至而使遣之三月太子建奔宋無極曰奢之子材盍以免其父召之必來伍尚歸楚人皆殺之員如吳言伐楚之利於州于

二十一年冬蔡侯朱出奔楚

二十二年春宋華亥向寧華定自宋南里出奔楚

二十三年夏六月蔡侯東國卒于楚秋七月戊辰吳敗

頓胡沈蔡陳許之師于鷄父胡子沈子逞滅獲陳

夏齧

左傳

楚囊瓦為令尹城郢沈尹戌日子常必亡郢

二十左傳

楚子使蘧射城州屈復茄人焉城丘皇遷訾

人焉使熊相稜郭巢季然郭卷
子大叔聞之曰楚王將死矣

二十六年秋九月庚申楚子居卒

昭王

名壬後改名軫平王子昭二十七年即位
哀六年卒在位二十七年謚法昭德有勞

昭曰

昭二十七年夏楚殺其大夫郤宛

左傳

九月己未子常殺費無極與鄢將師盡滅其族

以說于國
誇言乃止

定二年秋楚人伐吳

左傳

蔡侯如晉以其子元與其大夫之子為質焉

而請
伐楚

四年春三月公會劉子晉侯宋公蔡侯衛侯陳子鄭伯

許男曹伯莒子邾子頓子胡子滕子薛伯杞伯小

邾子齊國夏于召陵侵楚 秋楚人圍蔡 冬十

有一月庚午蔡侯以吳子及楚人戰于柏舉楚師

敗績楚囊瓦出奔鄭

左傳

五年 申包胥以秦師至吳師大敗楚子入于郢

十四年 二月辛巳楚公子結陳公孫佗帥師滅頓以頓

子牂歸

春秋左傳

卷十二楚

二十六

十五年二月辛丑楚子滅胡以胡子豹歸

哀元年春楚子陳侯隨侯許男圍蔡

四年夏晉人執戎蠻子赤歸于楚

六年秋七月庚寅楚子軫卒

惠王名章昭王子哀七年卽位在位五十七年卒謚法柔質慈民曰惠

哀九年夏楚人伐鄭

十年冬楚公子結帥師伐陳吳救陳

十三年夏楚公子申帥師伐陳

左傳

哀十四年夏陳宗豎出奔楚冬陳宗豎自楚復入于陳陳人殺之陳轅買出奔楚十六年楚太子建子勝作亂秋七月殺子西

子期于朝而劫惠王葉公攻白公白公奔山而縊

十七年秋七月己卯楚公孫朝帥師滅陳十八年三月楚公孫寧吳由于遠固敗巴師于鄆故封子國於析

十九年春越人侵楚以誤吳也夏楚公子慶公孫寬追越師至冥不及乃還秋楚沈諸梁伐東夷三夷男女及楚師盟于敖

楚靈弑郊敖公子比卽出奔晉十餘年來未嘗一日

立于其朝也靈王惡稔觀從朝吳以蔡公棄疾之命

召子比黑肱盟于鄧帥陳蔡不羹許葉之師因遠掩

許圍遠居蔡洧之族以入楚靈王出奔縊于申亥氏

子比爲王觀從說其殺棄疾不聽棄疾驚國人以恐

之子比黑肱自殺棄疾卽位是爲平王司馬遷曰平

春秋列國論卷十二
王以詐弑兩王而自立蓋實錄也平初立蔡侯廬歸
于蔡陳侯吳歸于陳廬世子有之子吳世子偃師之
子既絕而復深懲楚靈之惡託義于興滅也終其世
惟誘殺戎蠻子嘉與吳戰于長岸不免用兵然蠻氏
易亂擾在北方吳師遠來危壓東境爲國行師雖詐
不疾君子取其無病中國而已史記云平王弑立恐
國人諸侯叛之施惠百姓復陳蔡立其後歸鄭侵地
存恤國中脩政教與左氏所謂簡兵息民五年後戰
其詞同也雖然亂生于外王能以權道制之讒生于
內王卽有五利去五難不及察也費無極太子建之

少師楚之佞人也平王信之爲逐朝吳出蔡侯朱喪
太子建誅連尹奢甚而問太子何以出曰白王爲太
子聘于秦女好無極勸王自娶之生子軫乃惡太子
而欲殺之猶衛風之賦新臺賦乘舟者也夫父子天
性之親男女人倫之首自平王亂之天下之籩條戚
施也視靈王行加穢焉享國令終卽身死寧無患乎
昭王以秦女之子弱少當國卽位以來歲罷于吳又
寵費無極而殺郤宛信囊瓦而辱唐侯蔡侯蔡侯請
于晉以伐楚晉不能而訴之吳吳人長驅五戰入郢
君臣以班處宮壞宗廟徙陳器伍胥撻平王之墓曰

報其子不及其身則莫釋予怨也。王藉秦救得反其國滅頓而執頓子牂滅胡而執胡子豹帥三國之君圍蔡而蔡人男女以辨戎蠻子赤奔晉陰地而還爲楚俘休養數年耀兵四境自矜能武終不敢一矢加吳慰先君于地下迨吳圍陳而出救之竟卒于城父王曰吾死讐乎讐如故也。惠王行事春秋不詳其所致力惟在伐陳滅而縣之強于昭王矣。然白公勝之亂殺子西子期劫王如高府幾及于弑葉公討之乃定太子建亡人也。白公其種也。父失位而死子懷忿而亂可謂非平王所貽乎。楚入春秋弑君屢見穆之僂于身後嗚呼此皆伯討者所佚也。

罪彰於成平之詐隱於靈罪彰者著於大書詐隱者春秋列國論卷十二終

春秋列國論卷之十三目錄

秦伯益之後孫曰非子周孝王邑之秦號曰秦嬴至襄公為周平王平犬戎封為侯自秦嬴至秦

仲三世至襄公至穆公十三世

文公

武公

出子

武公

德公

宣公

成公

穆公 論一則

康公 論一則

共公

桓公 論一則

景公

哀公

惠公

悼公 論一則

右論四則

春秋列國論卷之十三目錄

春秋列國論卷十三

明 婁東張溥西銘父著

秦

嬴姓伯爵出自顓帝裔孫女脩子大業生大費與禹平水土佐舜調馴鳥獸賜姓嬴以所居於嬴故也是為伯翳十九世孫非子居犬丘為周孝王主馬汧渭間馬大蕃息孝王分為附庸邑秦谷續嬴氏祀號曰秦嬴天水隴西縣秦亭是也今鞏昌府秦州有秦亭秦谷鳳翔府隴州南三里有秦城即非子所居秦嬴生秦侯秦侯生公伯公伯生秦仲

宣王以為大夫始有車馬禮樂侍御之好後誅西戎不克見殺長子莊公破西戎為西垂大夫莊公生襄公周幽王犬戎亂將兵救周送平王東遷有功封為諸侯有周岐豐地子文公營邑汧渭四十四年入春秋後悼公十年獲麟後九世孝公伯其子惠文君自號為王至始皇并天下二世而亡自非子後莊公居太丘即槐里今西安府興平縣東南寧公遷平陽今鳳翔府郿縣德公遷雍扶風雍縣獻公遷櫟陽世記以為出公孝公遷咸陽今鳳翔縣皆本於秦谷故號秦焉

文公

襄公在位五十年諡法慈惠愛民曰文

寧公

文公太子靖公之長子年十歲隱八年即位始徙居平陽桓八年卒在位十二年諡法寧安也

桓三左傳

冬芮伯萬之母芮姜惡芮伯之名寵人也故逐之出居于魏

桓四左傳

秋秦師侵芮敗焉小之也冬王師秦師圍魏執芮伯以歸

出子

寧公少子寧公卒大庶長弗忌威壘三父廢大子而立之年五歲桓九年即位

六年復為三父等弑

桓十左傳

秋秦人納芮伯萬于芮

武公

寧公長子桓十五年三父等令人賊殺出
子復立之居平陽封宮即位三年誅三父
等以其殺出子故也莊十六年卒在位二
十年初以人從死其子白不立封平陽立
其弟德公諡法
克定禍亂曰武

德公

寧公中子出子同母兄武公弟莊十七年
即位初徙居雍在位二年卒諡法綏柔士
民曰

宣公

德公長子莊十九年即位莊三十年
卒在位十二年諡法施而不成曰宣
德公中子宣公率子九人莫適立乃立其
弟莊三十一年即位閔二年卒在位四年

成公

諡法安民
立政曰成

穆公

名任好德公少子成公卒其子七人莫適
立乃立其弟僖元年即位文六年卒在位
三十九年諡法
布德執義曰穆

僖九左傳

晉郤芮使夷吾賂秦以求入曰人實有國我
何愛焉入而能民士於何有從之齊隰朋帥
師會秦師納晉惠公秦伯謂郤芮曰公子誰
恃對曰臣聞亡人無黨有黨必有讐夷吾弱
不好弄能鬪不過長亦不改不識其他公謂
公孫枝曰夷吾其定乎對曰臣聞之唯則定
國詩曰不識不賊鮮不知順帝之則文王之謂也又
曰不僭不賊鮮不為則無好無惡不忌不克
之謂也今其言多忌克難哉公曰忌則多怨
又焉能克
是吾利也

十三左傳

冬晉荐饑使乞糴于秦秦伯謂子桑與諸乎
對曰重施而報君將何求重施而不報其民
必攜攜而討焉無衆必敗謂百里與諸乎對
曰天災流行國家代有救災卹鄰道也行道
有福不鄭之子豹在秦請伐晉秦伯曰其君
是惡其民何罪秦於是乎輸粟于晉
自雍及絳相繼命之曰汎舟之役

十四左傳
冬秦饑使乞糴于晉晉人弗與慶鄭曰背施無親幸災不仁貪愛不祥怒鄰不義四德皆失何以守國號射曰皮之不存毛將安傅慶鄭曰棄信背鄰患孰恤之無信患作失援必斃是則然矣號射曰無損於怨而厚於寇不如勿與慶鄭曰背施幸災民所棄也近猶讐之况怨敵乎弗聽退曰君其悔是哉

十五年冬十有一月壬戌晉侯及秦伯戰于韓獲晉侯

十八左傳
梁伯益其國而不能實也命曰新里秦取之

十九冬梁亡

二十年夏四月己巳晉侯齊師宋師秦師及楚人戰于城濮楚師敗績
冬公會晉侯齊侯宋公蔡侯鄭伯陳子莒子邾子秦人于溫
諸侯遂圍許

二十九年夏六月會王人晉人宋人齊人陳人蔡人秦人

盟于翟泉

三十年秋晉人秦人圍鄭

三十三年春王二月秦人入滑
夏四月辛巳晉人及姜

戎敗秦于殽

文元左傳

役之役晉人既歸秦帥秦大夫及左右皆言于秦伯曰是敗也孟明之罪也必殺之秦伯曰是孤之罪也周芮良夫之詩曰大風有隧貪夫敗類聽言則對誦言如醉匪用其良覆俾我悖是貪故也孤之謂矣孤實貪以禍夫子夫子何罪復使為政

三十二年春王二月甲子晉侯及秦師戰于彭衙秦師敗績

春秋左傳卷十三

冬晉人宋人陳人鄭人伐秦

三年夏秦人伐晉

四年秋晉侯伐秦

五年夏秦人入都

六年左傳

秦伯任好卒以子車氏之三子奄息仲行鍼虎為殉皆秦之良也國人哀之為之賦黃鳥

秦穆公即位之元年即魯僖公元年也時齊桓公已立四十餘年為中國霸主久盟會征伐未嘗及秦至僖公十五年秦伯獲晉侯始書於經明年齊桓卒又八年晉文興春秋之作為無王也無王則思霸齊晉

之際一霸亡一霸興苟一日而無霸則天下胥而為

夷曠八年而復有霸者秦穆公之為也晉獻公惑於

驪姬殺申生逐夷吾重耳身沒而國亂里克殺奚齊

弑卓子荀息死焉其事皆在桓霸盛時何以置不問

也葵丘之盟曰無易樹子無以妾為妻以二者責諸

侯孰有當討如晉獻者而桓公不能曰公有內嬖如

夫人者六人姑姊妹不嫁者在宮中也桓既不能正

晉之君而使群公子無亂即不能正晉之臣而使里

克無弑傳言晉納惠公周公忌父王子黨會齊隰朋

立之秦為主而齊奉之非霸命也秦穆夫人晉獻公

女申生姊也。昏姻之故，晉國有難，義則無辭。既納惠公，又輸之粟。惠公背施，幸災有韓之戰，秦獲惠而赦之。惠公卒，復納重耳，一戰于城濮，晉文遂霸。會于溫，而圍許，盟于翟泉，而謀鄭。秦無不悉心以從，晉國無君而有君，中國無霸而有霸。惟秦是賴，是故秦穆非伯主也。後世亦謂之伯者，以其定晉之亂，成文之霸，尊周，敗楚，中國再振，齊桓所不能為者，而秦穆為之。雖謂之霸可也。圍鄭之役，秦悅燭之武之言，私與鄭盟。晉文方憂杞子開釁，潛師入滑，晉襄墨而治兵，敗之于殽，獲百里孟明視、西乞術、白乙、丙釋而歸之。秦

未輯也。又敗之彭衙，穆公悔過，然後伐晉。濟河焚舟，取王官及郊，晉人不出，遂自茅津濟，封殽尸而還。秦之與晉也，再世為姻，兩納其主，諸侯相親，莫有過焉。使圍鄭之時，哀其既服，以好喻晉，各弛兵反國，盟言無渝，四鄰交睦，仁昭義著，在斯役也。若生同事而挾貳，死乘危而伐喪，則非晉所以望秦也。然而春秋終不絕秦者，何曰其伐晉也可誅，其成晉也可恕。左氏於秦納文公出入，必志蓋仁之也。穀梁子曰：秦之為狄，自殺之戰始殺，以前春秋其忍狄秦乎？穆作秦誓，悔用人之失而不省伐晉之過，豈謂秦實有大德，晉

不忘小怨。歿而用兵。無悛心焉。是則穆公之短也。

康公

名罃。穆公子。文七年即位。十八年卒。在位十二年。謚法安樂撫民曰康。

文七年夏四月戊子。晉人及秦人戰于令狐。晉先蔑奔

秦

九年冬。秦人來歸僖公成風之襚。

十年夏。秦伐晉。

十二年秋。秦伯使術來聘。冬十有二月戊午。晉人秦

人戰于河曲。

十六年秋。楚人秦人巴人滅庸。

十八年春。秦伯罃卒。

余讀秦風。至于渭陽。未嘗不歎康公之厚也。康公母

晉獻公女也。文公以驪姬出奔。未反而秦姬卒。穆公

納文公為晉君。康公時為太子。贈送文公至渭水之

陽。念母不見。舅歸也。見舅氏如母存焉。及即位。作渭

陽之詩。凡二章。曰至渭陽。送之遠也。悠悠我思。思之

長也。路車乘黃。瓊瑰玉佩。贈之厚也。至今說詩者。猶

曰康公能念母也。乃即位以來。令狐之役。武城北徵。

之師。河曲之戰。干戈日見。此非舅氏之國與公何讎

之深也。晉襄公薨。太子幼。國人欲立長君。趙盾使先

蔑如秦。逆公子雍。康公以師納之。襄夫人日抱太子

春秋列國論卷十三
以啼于朝諸大夫畏逼乃背先蔑立靈公盾將中軍
禦秦敗之于令狐晉人求君于秦又變計而擊秦曲
實在晉卽譏秦者惡其強納猶宋襄公之納齊孝公
抑爲罪也薄矣明年伐晉取武城春秋始惡之削而
不書再踰年春晉人伐秦取少梁夏秦伯伐晉取北
徵則直書秦伐晉比之于狄秦風無衣之詩刺用兵
也豈曰無衣不與民同欲也脩我戈矛好攻戰也魯
文公十二年秋秦伯使西乞術來聘言將伐晉冬秦
晉遂戰河曲用兵亟矣是故秦風之無衣唐風之葛
生也或曰文公在位十八年秦人歸襚來聘兩得見

書秦亟通魯魯亦亟予秦未聞以伐晉貶也然楚子
使越椒來聘春秋書焉秦亦楚類非特筆也春秋之
待夷狄也有禮則進之無禮則退之伐晉而狄秦所
以退也書歸僖公成風之襚書術來聘所以進也秦
風十篇康公居四渭陽而下無衣晨風權輿皆刺詩
也以渭陽之恩厚一變而爲無衣以多徒衛送公子
雍于晉一變而爲令狐之戰皆康公之不終也秦繆
公賢君也其卒不書康公卒書者與魯通好故也然
秦自此日大矣于詩次秦風于書列秦誓于春秋具
君大夫繼周者其秦乎聖人知之不能禁之也

共公

名稱康公子宣元年即位四年卒在位四年諡法執事堅固曰共

宣元 冬晉趙穿帥師侵崇

二年 春秦師伐晉

四年 春秦伯稻卒

桓公

名雍共公子宣五年即位成十四年卒在位二十八年諡法辟土服遠曰桓

宣八 夏晉師白狄伐秦

十五年 夏秦人伐晉

成二 冬十有一月丙申公及楚人秦人宋人陳人衛

人鄭人齊人曹人邾人薛人鄆人盟於蜀

九年 冬秦人白狄伐晉

十 左傳

秦晉為成將會於令狐晉侯先至焉秦伯不肯涉河次于王城使史顛盟晉侯於河東卻

驪盟秦伯於河西范文子曰是盟也何益齊

盟所以質信會所信之始也始之不從其何質乎秦伯歸而背晉成

十三 夏五月公自京師遂會晉侯齊侯宋公衛侯鄭

伯曹伯邾人滕人伐秦

十四 冬秦伯卒

秦共公在位五年伐晉者一桓公在位二十七年伐

晉者二秦晉不睦蓋世世矣共公之伐晉也以趙穿

侵崇故穿之謀曰我侵崇秦必救之我求成焉夫求

成於人而以兵臨其與國是速之寇非繼好也魯文

春秋列國論卷之三
公三年楚人圍江晉陽處父帥師伐楚以救江楚兵
解廼還雖未得志於救之術猶有善焉崇小國僻在
秦東相去二百餘里非秦所急無故侵之而強秦以
成秦必不許宜其明年而伐晉也秦晉自河曲之戰
休兵七年疆場無警趙盾執政穿欲立功於外以威
國人盾又聽之而與秦爲難誅意者因用兵之隙疑
無將之漸不得不怨秦而危晉矣共公短世桓公嗣
位晉成之立亦六年於茲脩好釋怨蓋其時也晉結
白狄以伐秦謀國者之再失也狄處西河界秦晉之
間厥性不恒晉能結以伐秦秦亦能結以伐晉是故

晉成之時白狄爲晉用晉景之時白狄爲秦用不可
以昏姻恃也且秦桓自輔氏敗後漸與楚合復通好
於魯蜀之盟秦右大夫說與焉與楚公子嬰齊並序
諸侯之上列國諸臣莫敢先也徘徊八年窺諸侯有
貳遂同白狄伐晉彼和強楚交中國而專圖晉也非
一日矣晉景公薨厲公新立將會令狐與秦成也秦
伯不肯涉河僅與卻犇盟于河西歸卽背成要盟無
益范文子其知之矣晉積憤於秦諸侯從之麻隧一
戰秦師敗績明年秦伯薨晉之能自立也易四君而
秦不得逞未必非諸大夫力也晉侯使呂相絕秦也

以殺之師責穆公以令狐河曲責康公以輔氏之聚令狐之會責桓公其辭也文秦無以應而左傳又據三事以正秦罪曰秦桓公既與晉厲公為令狐之盟而又召狄與楚欲道以代晉諸侯是以睦於晉雖秦曲晉直經無明文傳之意固子晉勝而樂秦敗也秦晉密邇勢均不下秦之共桓與晉之靈成景厲其政兄弟也晉欲求成而先加以師秦既從盟而即背其成兵端未有已也春秋於其戰伐之際姑書其畧而已矣

景公

桓公子成十五年即位昭五年卒在位四十年謚法者意大慮曰景

襄九左傳

夏秦景公使士雅乞師于楚將以伐晉楚子許之秋楚子師于武城以為秦援秦人侵晉晉饑弗能報也

十夏晉師伐秦

十冬秦人伐晉

十二冬楚公子貞帥師侵宋

左傳

秦嬴歸于楚楚司馬子庚聘于秦為夫人寧也禮也

十四夏四月叔孫豹會晉荀偃齊人宋人衛北宮括

鄭公孫蠆曹人莒人邾人滕人薛人杞人小邾人

伐秦

春秋左傳卷十三
十九左傳
於四月丁未鄭公孫蠆卒赴于晉大夫范宣

子言于晉侯以其善于伐秦也六月晉侯請于玉王追賜之大路使以行禮也

二十左傳
會于夷儀之歲齊人城邾其五月秦晉為成

晉韓起如秦涖盟秦伯車如晉涖盟成而不結秦伯之弟鍼如晉脩成

昭元年
夏秦伯之弟鍼出奔晉

五年
秋秦伯卒

六年
春葬秦景公

哀公
景公子昭六年即位定九年卒在位三十六年

九年
秋秦伯卒
夕葬秦哀公

惠公
哀公太子夷公子夷公早死不得立乃立之宣十年即位九卒謚法柔質

慈民曰惠

三年
冬十月癸卯秦伯卒

四年
葬秦惠公

悼公
惠公子哀四年即位法肆行勞祀曰悼

秦景公即位之十三年使士雅乞師于楚子囊言晉

不可敵止楚子勿許楚子弗善也明年晉師伐秦又

明年秦人伐晉晉敗于櫟乃大會齊魯宋衛鄭曹邾

莒滕薛杞小邾起而伐秦時晉悼公復霸之十四年

也晉秦爭兵七十年釁兆于圍鄭怨結于敗殺禍稔

于三戰大舉于九國之伐而是役終焉文伯以來合

春秋左傳卷十三秦

諸侯之師未有衆多若是者也。然十三國之卿大夫帥重兵臨敵，濟涇無功，僅成遷延之役。繇荀偃專命，樂厲擅還，列國亦怠惰不恭，而晉悼不能有所爲也。文公謀伯先親，秦穆資其力以敗楚于城濮，朝天王，令諸侯天下服從，圍鄭之役，秦穆反與鄭盟，使杞子逢孫揚孫戍之，乃還。子犯請擊秦，文公不可，其因秦者重，專用以制楚，而匡中國，非獨懷其紀綱，送衛之德也。穀戰以後，秦晉世讎，秦桓公遂棄晉，附楚同盟于蜀，及景公與楚昏媾，妹爲楚共夫人，相結伐晉，悼公圖復霸業，失秦大援，終不能盛創楚，以威四方，計之

失也。應心悔之，迨合十三國伐秦，不成，伐而遽罷，雖將帥異心，進退無統，抑晉之報秦其志少懈矣。晉旣不急報秦，秦亦閉關自守，終春秋之世，不與晉爭據關河四塞，蓄威養銳，內脩耕稼之政，外候中國之變。後世子孫卒并天下，未必不肇基于此也。秦鍼桓公子景公，毋弟也。景三十年，秦晉爲成，鍼如晉，涖盟，成而不結，明年又往脩成，秦務內治而和，晉重以毋弟求好勤矣。久之，鍼出奔晉，避君忌，恃鄰好也。然楚公子比是年亦奔晉矣，暨乎晉昭奉之以入弑其君，虔于乾谿，竟亂強楚，鍼不爲秦患者，幸而晉平無能，伎

春秋列國論卷十三
非鄭莊秦景卽世速反故國耳不然挾車千乘大國
輔之鮮有不爲宋馮者也秦哀之時楚平王爲太子
建求女于秦至國自娶之而秦不怒吳入郢申胥告
急秦發五百乘救楚敗吳師昭王復國秦厚楚甚功
楚深而經不書以爲無與乎諸夏也

春秋列國論卷十三終

春秋列國論卷之十四目錄

吳吳自泰伯奔荆蠻自號句吳武王封其後于吳自太伯至壽夢十九世始稱王

壽夢

諸樊

餘祭

餘昧

王僚

闔廬 論一則

夫差 論一則

右論二則

春秋列國論卷之十四目錄

春秋列國論卷十四

明 婁東張溥西銘父著

吳

姬姓子爵出自周太王長子太伯與其弟仲雍避

少弟季歷賢而有聖子去之荆蠻號曰勾吳勾者發語

詞也如勾越非地名端委以治周禮荆蠻義之歸者千餘家

立以為君長為吳太伯卒無子仲雍嗣立斷髮文

身羸以為飭遂不通中華仲雍卒子季簡立季簡

卒子叔達立叔達卒子周章立是時武王克殷求

太伯仲雍之後得周章已君吳矣從而封之為吳

子追封太伯為吳伯又別封周章弟虞仲于虞城
周章卒子熊遂立熊遂卒子柯相立柯相卒子彊
鳩夷立彊鳩夷卒子餘橋疑吾立餘橋疑吾卒子
柯盧立柯盧卒子周繇立周繇卒子屈羽立屈羽
卒子夷吾立夷吾卒子禽處立禽處卒子轉立史古
考作轉卒子頗高立史考作頗高卒子句卑立史
柯轉是時晉獻滅虞句卑卒子去齊立去齊卒子
壽夢立吳始大而稱王成七年始見春秋後至夫
差為越滅

越

姒姓出自夏后氏苗裔少康之庶子封於會稽以
奉禹祀文身斷髮自號於越於越者夷言發聲也
其地越州城是也濱在南海不與中國通後二十
餘世允常魯定公五年始伐吳允常卒子句踐立
是為越王越王元年定十四年也哀二十二年句
踐滅吳伯中國後七世至王無彊為楚威破殺之
盡取吳地至浙江越以此潰散諸族子爭立或為
王或為君服朝于楚後七世至閩君搖佐諸侯平
秦吳越春秋曰少康恐禹墓之絕祀乃封其庶子
于越號曰無余隋陸陵而耕種逐禽獸而給食
壽夢又名乘成六年即位
在位二十五年卒

春秋左傳卷十四
成七年 春吳伐郟 秋吳入州來

十五年 冬十有一月叔孫僑如會晉士燮齊高無咎宋

華元衛孫林父鄭公子鱒邾人會吳于鍾離

襄三年 春楚公子嬰齊帥師伐吳

五年 夏仲孫蔑衛孫林父會吳于善道 秋公會晉侯

宋公陳侯衛侯鄭伯曹伯莒子邾子滕子薛伯齊

世子光吳人鄆人于戚

十年 春公會晉侯宋公衛侯曹伯莒子邾子滕子薛伯

杞伯小邾子齊世子光會吳于柤

十二年 秋九月吳子乘卒

諸樊 又名過壽夢子襄十二年即位 在位十三年卒

襄十三年 左傳 吳侵楚養由基奔命子庚以師繼之養叔曰

吳乘我喪謂我不能師也必易我而不戒子為三覆以待我我請誘之子庚從之戰于庸

浦大敗吳師獲公子黨君子以吳為不弔詩曰不弔昊天亂靡有定

十四年 春王正月季孫宿叔老會晉士匄齊人宋人衛

人鄭公孫蠆曹人莒人邾人滕人杞人小邾

人會吳于向 秋楚公子貞帥師伐吳

二十四年 夏楚子伐吳

二十五年 冬十有二月吳子遏伐楚門于巢卒

餘祭 又名戴吳諸樊弟壽夢子襄二十六年即位 在位四年弒

襄二十九年夏闞弒吳子餘祭 吳子使札來聘

夷昧 又名餘昧又句餘壽夢子餘祭弟

襄三左傳

吳子使屈狐庸聘于晉通路也趙文子問焉曰延州來季子其果立乎巢隕諸樊闞戕戴吳天似啓之何如對曰不立是二王之命也非啟季子也若天所啓其在今嗣君乎甚德而度德不失民度不失事民親而事有序其天所啟也有吳國者必此君之子孫實終之季子守節者也雖有國不立

昭四年秋七月楚子蔡侯陳侯許男頓子胡子沈子淮

夷伐吳執齊慶封殺之

左傳

冬吳伐楚入棘櫟麻以報朱方之役楚沈尹射奔命于夏汭箴尹宜咎城鍾離遠啟彊城巢然丹城州來東國水不可以城彭生罷賴

師之

五年冬楚子蔡侯陳侯許男頓子沈子徐人越人伐吳

六年秋楚遠罷帥師伐吳

十三年冬吳滅州來

十五年春王正月吳子夷末卒

王僚 又名州于夷末子昭十

昭十七年冬楚人及吳戰于長岸

十九左傳

令尹子瑕言蹶由於楚子曰彼何罪諺所謂室於怒市於色者楚之謂矣舍前之忿可也乃歸蹶由

二十三年秋七月戊辰吳敗頓胡沈蔡陳許之師于雞父

春秋左傳卷十四 吳越

胡子髡沈子逞滅獲陳夏齧

左傳

楚太子建之母在郢召吳人而啓之冬十月甲申吳太子諸樊入郢取楚夫人與其寶器以歸楚司馬遠越追之不及將死衆曰請遂伐吳以徼之遠越曰再敗軍師死且有罪亡君夫人不可以莫之死也乃縊於遠滌

二十年冬吳滅巢

二十七年夏四月吳弑其君僚

闔廬初名光諸樊子僚從兄昭二

昭三十年冬十有二月吳滅徐徐子章羽奔楚

左傳

吳子問於伍員曰初而言伐楚余知其可也而恐其使余往也又惡人之有余之功也今余將自有之矣伐楚何如對曰楚執政衆而

乖莫適任患若為三師以肄焉一師至彼必皆出彼出則歸彼歸則出楚必道敝亟肄以罷之多方以誤之既罷而後以三軍繼之必夫克之闔廬從之楚於是乎始病

左傳

秋吳人侵楚伐夷侵潛六楚沈尹戌帥師救潛吳師還楚師遷潛于南岡而還吳師圍弦左司馬馱右司馬稽帥師救弦及豫章吳師還始用子胥之謀也

三十年夏吳伐越

定二年秋楚人伐吳

四年冬十有一月庚午蔡侯以吳子及楚人戰于柏舉

楚師敗績楚囊瓦出奔鄭庚辰吳入郢

五年夏於越入吳

六年左傳

四月巳丑吳太子終纍敗楚舟師獲潘子臣小惟子及大夫七人楚國大陽懼亡子期又陵師敗于繁楊令尹子西喜曰乃今可為矣於是乎遷都於都改紀其政以定楚國

十四年夏五月於越敗吳于檇李吳子光卒

勾吳之大始自壽夢伐郟而兵連上國入州來而與楚爭強立二年而兵再見侈然有霸心焉鍾離之會晉厲公為主會吳者凡七國戚之會晉悼公為主會吳者凡十三國且鍾離未會以前景公先與諸侯同盟于蒲吳人不至厲公繼之逾五年而復會于鍾離戚未會以前悼公先與諸侯同盟于鷄澤使荀會往

逆吳子吳復不至逾二年再會先以魯衛二國往會善道而後會于戚吳來何緩晉求何急蓋為楚也魯成二年楚共圖霸蜀之盟諸侯咸震晉不敢問未幾而吳壽夢起登楚叛人伐楚附庸歲七奔命晉斯喜矣鍾離會而鄢陵有戰戚會而救陳有師晉惟結吳而後可逞于楚也迨會吳于柎十二國皆至而晉即因之以滅偃陽偃陽蓋吳入中國之要衝偃陽滅而吳晉通矣壽夢卒諸樊立復有向之會或曰謀伐楚或曰謀伐秦要之晉求吳非吳求晉也晉之會吳始于鍾離止于向會者凡四惟戚之會吳子因善道之

逆始一來會。其三會則皆晉往會也。來會則書法序。吳往會則書法殊。吳晉之事。吳則有禮矣。吳之遇晉則已泰矣。壽夢在位二十五年。春秋惟一書楚公子嬰齊伐吳。吳楚爭強之始也。楚克鳩茲。吳取楚駕。鄧廖子重。二良復喪。楚雖伐吳。敗在楚矣。諸樊卽位。兩書楚伐。引師往報。門巢而卒。餘祭旣立。又遭闞殺。楚莊康之際。吳其衰乎。夷昧立。而楚靈率蔡陳許頓胡沈淮夷之師。翱翔入吳。執殺慶封。三年之內。三尋師焉。楚驕吳弱。宜若不敵。乃吳憤而滅州來。楚竟無以難也。夷昧卒。王僚立。有長岸之戰。吳兵始及楚矣。鷄

父之役。頓胡沈蔡許之師。大敗于吳。且胡沈之君滅。陳之大夫獲。敗莫重焉。爲誰而敗。楚命之也。吳伐州來。楚遠越來救。帥師殿後。使六國先嘗。六國旣敗。楚師遂奔。不敢與吳接戰。春秋于鷄父之戰。著六國而沒。楚據實而書。所以見六國之愚。楚平之懦也。明年而吳遂滅巢矣。王僚弑。闞閭立。幸吳亂者。將謂國有內難。捷而取之。易于巢隕。諸樊闞戍戴吳也。孰意一舉而滅徐。再舉而伐越。三舉而戰于柏舉。吳遂入郢。闞閭之發憤。爲雄更度。越前人哉。吳自魯襄十四年以來。四受楚兵。諸樊餘祭。輕師寡謀。終身邊墜。夷昧

圖治不遽修怨伺楚平之急始滅州來王僚好鬪用
兵者數銳然滅巢身雖被弑國力已振闔閭滅徐復
除楚輔蔡侯告困託義興師方洋入郢昭王出走此
一楚也召陵之師僅盟屈完城濮之敗僅殺得臣從
未有人其都逐其君者吳本蠻夷長驅入郢誅憑陵
之崇慝洗諸夏之積辱雖未獻捷成周攘夷大功高
于桓文遠矣郢之未入先滅州來次滅巢又次滅徐
楚之藩籬蕩然盡剪然後大師奄至郢遂不守吳固
善戰未嘗不善謀也入州來者滅州來之漸門巢者
滅巢之漸以夷猾夏有漸以夷攻夷亦有漸也壽夢

諸樊之世晉屢會吳會向以後吳楚交爭晉不復與
吳會至于黃池兩霸始列蓋吳楚未爭晉欲結吳拒
楚不容無會吳楚既爭晉直以楚委吳卽不會可矣
然悼公憂楚猶勤會吳降而平昭志不在楚會吳寂
如霸之衰也每况益下不可恃也晉吳之使不交于
途而季札之聘忽來于魯以餘祭中衰之日反修宗
國聘問之禮國有賢者內治未疎聘魯而魯從仇楚
而楚破篡弑雖作勾吳卒興殆有以夫

夫差

光子定十五年即位
在位二十三年為越滅

哀元左傳

吳王夫差敗越于夫椒報檇李也遂入越越子以甲楯五千保于會稽使大夫種因吳太宰嚭以行成吳子將許之伍員曰不可弗聽三月越及吳平吳入越不書吳不告慶越不告敗也秋八月吳侵陳脩舊怨也吳師在陳子西曰二子恤不相睦無患吳矣

四年春蔡公孫辰出奔吳

六年春吳伐陳 夏叔還會吳于柤

七年夏公會吳于鄆

八年春吳伐我

九年左傳

秋吳城邗溝通江淮 冬吳子使來儆師伐

齊

十年春公會吳伐齊三月戊戌齊侯陽生卒

左傳

秋吳子使來復傲師

冬楚公子結帥師伐陳吳救陳

十一年五月公會吳伐齊 甲戌齊國書帥師及吳戰

于艾陵齊師敗績獲齊國書

左傳

吳將伐齊越子率其眾以朝吳人皆喜唯子胥懼諫弗聽使於齊屬其子於鮑氏為王孫氏反役王聞之使賜之屬鏹以死

十二年夏公會吳于橐臯

十三年夏公會晉侯及吳子于黃池 於越入吳

左傳

秋七月辛丑盟吳晉爭先

闔閭之入郢夫差之入越皆春秋義戰之善者也經

于入郢美其功大其事柏舉之戰囊瓦之奔既悉書

矣。樵李之役勾踐敗吳闔閭傷趾而卒夫差即位卧

薪嘗胆逾年乃報戰于夫椒吳遂入越子復父讐功

高攘夷經竟不書左氏曰吳不告慶越不告敗也然

魯昭五年越始見經楚靈即率之伐吳常壽過儼然

稱人越驟強也晉通吳以制楚楚通越以制吳越在

吳南最為吳患楚子用之吳與楚爭越輒擬其後夷

昧以來吳遂不易報楚矣闔閭圖強奮然伐越治楚

春秋列國命 卷一百 吳越

黨也。入郢覆楚。將安中國。於越乘虛入吳。無忌爲楚報也。越允常卒。子勾踐立。吳復出師。戰于檣李。雖云玩兵。實繇積憤。使賀戰勝。楚越定矣。楚越定。則夷狄服。夷狄服。則吳霸成。以之尊周固同。姓也。春秋進霸。亟許齊晉。寧獨外吳。不虞勾踐詐戰。闔閭敗死。吳之讐。越深于楚矣。夫差入越。事當特書。竟以不告之故。削而不錄。爲人子者。將無勸乎。及觀越人行成。伍員驟諫。吳子弗聽。釋之歸國。至魯哀十三年。於越入吳。二十年而越滅吳。始知入越之舉。春秋不書。非特爲其不告。亦深痛其身得之。身亡之也。唐玄宗削平內

難。致治開元。而天寶縱浮。安史繼亂。崎嶇劔門。身幾不保。李存勗三矢洒恨。掃除僞梁。伶人謀變。尸焚殿。下上觀夫差何相似也。夫差痛父讐而入越。又惑宰嚭而赦越。亨國二十餘年。伐陳伐魯。伐齊救陳。國數興。師未嘗一矢臨越。豈惟不讐反親。睚之久而爲越所滅。春秋于夫差之世。惟黃池以下。一書於越入吳。餘皆闕焉。意若曰。予見越之入吳。不見吳之入越也。夫椒之師。報越而卽忘越。俾越人十年生聚。十年教訓。吳遂沼焉。以此曰報。吾不知其報也。勾踐一於越之君。旣殺闔閭。又殺夫差。兼吳而有之。胙命爲伯。號

稱霸王其誰成之夫差賜也越大于夫差非感于夫
差哀公元年之入越吳適自斃而已矣其何書焉魯
襄二十九年餘祭使季札來聘畏楚偪而通上國近
于知禮魯安然受之訖乎昭定未有答也哀公立使
叔還會吳于柤明年公會吳于鄆比年結好求會已
急欲謀邾也既而入其國俘其君吳遂怒魯興師來
伐直造國都盟于城下而還未幾復兩會吳伐齊會
吳者魯伐邾者魯盟吳者魯伐齊者魯三四年間魯
何善變也卽齊悼公爲邾子益而來取讎闡曲誠在
齊亡何來歸齊既知罪憾可釋矣公必結吳伐齊至

艾陵之戰齊師敗績吳獲國書公始快志吳夷也而
尊之齊匹也而兵之親非所親怨非所怨甚矣公之
闇也橐臯之會吳求諸侯黃池之會吳先晉軟春秋
于是惡吳矣會申而楚大會黃池而吳大中國之胥
而夷也蓋一間耳辰陵蜀申楚雖主盟而晉人不與
于宋于虢楚雖先晉而晉君不與及乎黃池吳子長
焉晉定聽焉以大國之體言吳晉並列則兩霸以強
國之勢言晉從吳後實一霸也楚強之日中國猶有
霸吳強之日中國竟無霸無王而小雅亡無霸而春
秋絕經始書吳其一喜一懼乎入州來者入郢之見

端經所喜也。伐郢者黃池之見端經所懼也。春秋既喜吳之攘楚，又懼吳之先晉于赫然兩霸之日。係以於越入吳之文意，又若曰：夫差而果忘越乎？戰于柏舉而於越入吳，則闔閭不得其死，盟于黃池而於越入吳，則夫差不知所終。雖勾吳國滅，在獲麟絕筆之後，孔子固先憂之矣。哀公無能崇吳以會，啓吳以兵，師日尋齊而越乃投隙人，但知參吳者越而不知疲吳者魯。史記云：子貢一出，艾陵戰成，存魯亂齊，破吳彊晉而霸越，非無因也。

春秋列國論卷十四

終

春秋列國論卷之十五目錄

號

姬姓公爵出自王季子號仲文王之弟也

虞

出自太公姬姓自虞仲至虞公十二世

右論一則

春秋列國論卷之十五目錄

春秋列國論卷十五

明 婁東張溥西銘父著

號

姬姓公爵出自王季子號仲文王弟也仲與號叔
爲王卿士勲在王室文王友愛二弟謂之二號武
王克商封仲於弘農陝縣東南之號城今陝州靈
寶縣有號州城周室東遷號公忌父號公林父猶
爲天子相謂之西號後爲晉滅號叔之國公子譜
云在滎陽謂之東號今河南開封府汜水縣卽鄭
虎牢是也傳曰制巖邑也號叔死焉是也爲鄭滅

或以爲在鳳翔號縣卽今陝西鳳翔府寶雞東六
十里有號城按史記秦武公十一年滅小號在魯
莊七年豈號叔始封此後東遷制其子孫猶有居
故地者漢志註北號大陽東號在滎陽西號在雍
州然不可考矣

虞

姬姓公爵出自太王子仲雍生季簡季簡生叔達
叔達生周章虞仲及武王克商求太伯仲雍之後
得周章已爲吳君別封其弟虞仲於周之北故夏
墟在河東大陽縣按陝州夏陽有大陽故關而平

陸縣東北六十里有故虞城後虞仲國于吳其支
庶封于此故亦謂之西吳傳十二世爲虞公晉滅
之

隱元左傳

鄭人以王師號師伐衛南鄙

年三左傳

鄭武公莊公爲平王卿士王貳于號鄭伯怨
王王曰無之故周鄭交質王崩周人將畀號
公政周鄭交惡

年五左傳

秋曲沃叛王秋王命號公伐曲沃

年八左傳

夏號公忌父始作卿士于周

年十一左傳

冬十月鄭伯以號師伐宋

年桓八左傳

冬王命號仲立晉哀侯之弟緡于晉

春秋左傳

卷之五虞

二

九年左傳 秋虢仲芮伯梁伯荀侯賈伯伐曲沃

十年左傳 春虢仲諸其大夫詹父於王詹父有辭以王師伐虢夏虢公出奔虞初虞叔有玉虞公求旃弗獻既而悔之乃獻之又求其寶劍叔曰是無厭也無厭將及我遂伐虞公故虞公出奔共池

莊十左傳 王使虢公命曲沃伯以一軍為晉侯

十六年左傳 春虢公晉侯朝王王饗醴命之宥皆賜玉五穀馬三匹非禮也夏虢公晉侯鄭伯使原莊公逆王后於陳

二十左傳 冬王子頹享五大夫樂及徧舞鄭伯聞之見虢叔曰盍納王乎虢公曰寡人之願也

二十左傳 春晉命於弭夏同伐王城鄭伯將王自圍門

二十左傳 入虢叔自北門入殺王子頹及五大夫王巡虢守虢公為王宮於珙王與之酒泉鄭伯之享王也王以后之鞶鑑予之虢公請器王予之爵鄭伯猶是始惡於王冬王歸自虢

六年左傳 秋虢人侵晉冬虢人又侵晉

七年左傳 晉侯將伐虢士蔣曰不可虢公驕若驟得勝於我必棄其民無眾而後伐之欲禦我誰與

三十左傳 樊皮叛王春王命虢公討樊皮夏四月丙辰虢公入樊執樊仲皮歸于京師

三十左傳 秋七月有神降于莘惠王問諸內史過曰是何故也對曰國之將興明神降之監其德也將亡神又降之觀其惡也故有得神以興亦有以亡虞夏商周皆有之王曰若之何對曰以其物享焉其至之日亦其物也王從之內

三

三

三

三

三

三

三

三

三

三

三

三

三

史過往聞號請命反曰號必亡矣虐而聽於神神居莘六月號公使祝應宗區史囂享焉神賜之士田史囂曰號其亡乎吾聞之國將興聽於民將亡聽于神神聰明正直而壹者也依人而行號多涼德其何土之能得

閔二左傳

春號公敗犬戎於渭汭舟之僑曰無德而祿殃也殃將至矣遂奔晉

僖二 夏虞師晉師滅下陽

說春秋者曰滅號不書號公天子三卿夏陽其采地也滅夏陽不言取天子之地非諸侯所得取故變伐取書滅使若國然也滅虞不書執虞公不言以歸惡晉滅寰內諸侯以偪天子為王室諱也然以傳考之

虞國于太陽號國于夏陽夏陽正在河東太陽之界故國梁子以為虞號之塞邑非在王畿之內為天子賜邑如酒泉之比也魯隱三年鄭莊公為王卿士王貳于號鄭伯怨王八年號公忌父始作卿士于周號與鄭各有本封云作卿士者以王命入相耳若謂號公入相夏陽即其采邑豈鄭伯入相溱洧亦鄭采邑乎且王子頹之亂鄭伯胥命于弭鄭伯入圍門號叔入北門殺頹及五大夫王室乃定賜地予爵禮皆異數既而樊皮叛王王命號公討之執歸京師天子征伐惟號是寄鄭亦未敢望也魯莊公十六年王使號

公命曲沃伯以一軍爲晉侯踰年。虢公晉侯朝王饗
醴命侑皆賜玉五穀馬三匹。又同使原莊公逆王后
于陳。晉獻與虢固相好也。久之虢公怒晉。一歲二伐
晉始不堪乃謀報之。然其時內憑天王外據夏陽國
勢方重雖有神降莘蓐收告殃未易圖也。晉謀伐虢
士薦進計欲俟其驕而棄民然後伐之。數年之間偃
兵不舉寢不能寐苟息獻假道之謀始璧馬往而夏
陽滅圖虢固難非賂虞不可也。虞公好貨前者求虞
叔之玉既獻之矣。又求寶劍叔遂搆兵公奔共池貪
人無厭息所知也。操屈產之乘垂棘之璧以請虞遂

許晉假道夏陽舉矣。虢之未受晉兵也。敗犬戎于渭
汭既亡夏陽也。敗戎于桑田虢雖失地尚能一戰魯
僖五年再假道焉。火中成軍童謠克符。晉遂圍夏陽
而滅虢。虢公醜奔京師。師還館于虞遂襲虞滅之。執
虞公及其大夫井伯。或又曰夏陽之滅晉據而有之
也。虢公奔京師未嘗執也。經書其重而云滅重在地
也。晉雖滅虞猶歸其職貢于王。虞公雖執其國尚存
經書其重而云執重在人也。然虞虢自此不見于春
秋矣。其爲人地俱亡無疑也。虢公奔京師周不能爲
之聲討。晉獻滅虞云修虞祀歸職貢亦名焉而已。齊

桓方會首止而天子三公執滅不聞則何以爲諸侯
長也鄭武公握突之興先得號鄆晉獻公詭諸之強
卒并虞號晉鄭大則虞與二號亡亦地勢所必爭乎
號有一舟之僑知號不父棄而適晉虞有一宮之奇
強諫不聽復以族行而晉則士薦荀息趙夙畢萬多
輔而善謀國之廢興又莫不以人也

春秋列國論卷十五 終

春秋列國論卷之十六目錄

曹

文王子曹叔振鐸之後武王封之于商振鐸至桓公十一世

桓公

莊公

僖公

昭公

共公

文公

宣公 論一則

成公

武公

悼公

聲公

隱公

靖公

伯陽 論一則

右論二則

春秋列國論卷之十六目錄

春秋列國論卷十六

明婁東張溥西銘父著

曹

姬姓伯爵出自文王子叔振鐸武王克商封之曹其地禹貢兗州陶丘之北雷夏荷澤之野濟陰定陶縣是也叔振鐸生大伯脾脾生仲君平平生宮伯侯侯生孝伯雲雲生夷伯喜喜立三十年卒弟幽伯強立幽伯九年弟蘇弒幽伯代立是為戴伯立三十年卒子惠伯兕立三十六年卒子石甫立其弟武弒之代立是為繆公繆公子桓公終生三

十五年入春秋後傳至伯陽為宋滅

桓公 各終生繆公子三十五年入春秋桓十年卒在位五十五年謚法辟土服遠曰桓

桓五年 冬州公如曹

九年 冬曹伯使其世子射姑來朝

十年 春王正月庚申曹伯終生卒 夏五月葬曹桓公

莊公 各射姑桓公子桓十一年即位莊二十三年卒在位三十一年謚法武而不遂曰莊

十四年 春正月公會鄭伯于曹

十六年 春正月公會宋公蔡侯衛侯于曹

二十三年 冬十有一月曹伯射姑卒

二十四年 春葬曹莊公

僖公 名赤史作夷莊公庶子戎之外孫莊公卒世子羈繼立不能君為狄逐立赤莊二十九年謚法小心畏忌曰僖

莊二十四年 冬戎侵曹曹羈出奔陳陳赤歸于曹

二十六年 春曹殺其大夫

昭公 各班僖公子閔元年即位僖七年卒在位九年謚法昭德有勞曰昭

僖元年 春齊師宋師曹伯次于聶北救邢 夏六月邢

遷于夷儀齊師宋師曹師城邢 秋八月公會齊

侯宋公鄭伯曹伯邾人于榿

四年 春王正月公會齊侯宋公陳侯衛侯鄭伯許男曹

伯侵蔡蔡潰遂伐楚次于陘 冬十有二月公孫

伯侵蔡蔡潰遂伐楚次于陘 冬十有二月公孫

伯侵蔡蔡潰遂伐楚次于陘 冬十有二月公孫

茲帥師會齊人宋人衛人鄭人許人曹人侵陳
世子于首止

年五夏公及齊侯宋公陳侯衛侯鄭伯許男曹伯會王
年六夏公會齊侯宋公陳侯衛侯曹伯伐鄭圍新城
年七秋曹伯班卒 冬葬曹昭公

共公 名襄昭公子僖八年即位文九年卒
在位三十五年諡法既過能改曰共

年僖八春王正月公會王人齊侯宋公衛侯許男曹伯
陳世子欵盟于洮

年九夏公會宰周公齊侯宋公衛侯鄭伯許男曹伯于
葵丘

年十三夏公會齊侯宋公陳侯衛侯鄭伯許男曹伯于
鹹

年十五春三月公會齊侯宋公陳侯衛侯鄭伯許男曹
伯盟于牡丘 秋七月齊師曹師伐厲 冬宋人

伐曹
年十六冬十有二月公會齊侯宋公陳侯鄭伯許男邢
侯曹伯于淮

年十八春王正月宋公曹伯衛人邾人伐齊

年十九夏六月宋公曹人邾人盟于曹南 秋宋人圍

曹

二十一年秋宋公楚子陳侯蔡侯鄭伯許男曹伯于孟

二十八年春晉侯侵曹 三月丙午晉侯入曹執曹伯界

宋人 冬曹伯襄復歸于曹遂會諸侯圍許

三十一年春取濟西田

文四左傳 曹伯如晉會正

九年秋八月曹伯襄卒 冬葬曹共公

文公 名壽共公子文十年即位宣十四年卒 在位二十三年謚法愍民惠禮曰文

文十一年秋曹伯來朝

十四年夏六月公會宋公陳侯衛侯鄭伯許男曹伯晉

趙盾癸酉同盟于新城

十五年夏曹伯來朝 冬十有二月齊人侵我西鄙遂

伐曹入其郛

宣元年秋宋公陳侯衛侯曹伯會晉師于棗林伐鄭

三年秋宋師圍曹

七年冬公會晉侯宋公衛侯鄭伯曹伯于黑壤

九年秋九月晉侯宋公衛侯鄭伯曹伯會于扈晉荀林

父帥師伐陳

十年夏晉人宋人衛人曹人伐鄭

十二年冬晉人宋人衛人曹人同盟于清丘

十四年夏五月壬申曹伯壽卒 秋葬曹文公

宣公

名廬史作疆文公子宣十五年即位
在位十七年謚法聖善周聞曰宣

宣十年夏六月己未公會晉侯衛侯曹伯邾子同盟于

斷道

成二年夏六月癸酉季孫行父臧孫許叔孫僑如公孫

嬰齊帥師會晉郤克衛孫良夫曹公子首及齊侯

戰于鞏齊師敗績 冬十有一月丙申公及楚人

秦人宋人陳人衛人鄭人齊人曹人邾人薛人鄆

人盟于蜀

三年春王正月公會晉侯宋公衛侯曹伯伐鄭

五年冬十有二月己丑公會晉侯齊侯宋公衛侯鄭伯

曹伯邾子杞伯同盟于蟲牢

七年夏五月曹伯來朝 秋楚公子嬰齊帥師伐鄭公

會晉侯齊侯宋公衛侯曹伯莒子邾子杞伯救鄭

八月戊辰同盟于馬陵

九年春公會晉侯齊侯宋公衛侯鄭伯曹伯莒子杞伯

同盟于蒲

十年夏五月公會晉侯齊侯宋公衛侯曹伯伐鄭

十三年夏五月公自京師遂會晉侯齊侯宋公衛侯鄭

伯曹伯邾人滕人伐秦 曹伯廬卒于師 冬葬

曹宣公

春秋列國論卷一
共公之無道也於曹風先見之候人之詩曰彼候人
兮何戈與祲彼其之子三百赤芾刺其遠君子好近
小人也下泉之詩曰冽彼下泉浸彼苞稂愾我寤歎
念彼周京疾其侵剋下民憂而思明王賢霸也及讀
春秋齊桓之時盟于洮會于葵丘會于鹹盟于牡丘
會于淮共公悉從甚而伐厲之役曹獨佐齊敬共霸
令不聞失德何詩人怨之深也晉文興霸入曹執公
以畀宋人傳云文公出亡時至曹公觀其駢脅晉誅
無禮以曹爲首然霸圖方啟義矜弱小曹豈晉所急
哉楚新得曹晉欲創楚乘楚圍宋侵曹伐衛欲致楚

救而敗之謀先定矣曹卽素無闕于晉晉以楚故未
能釋而不侵是故共公被執咎在附楚非獨繇慢晉
也公留于晉晉侯有疾曹伯之豎侯孺貨巫史以兄
弟爲解晉念同姓釋公歸曹抑其時楚敗城濮王狩
河陽霸業已成寧獨不容一曹而舍以爲義卽微巫
史言晉歸共公必也僖負羈曹之賢大夫也公不用
而國中乘軒者三百晉侯罪之候人之刺其先知敗
乎且齊桓旣薨共公用兵無度始從宋伐齊繼從楚
伐宋背盟卽夷惡于春秋時惟無王小大不輯匪風
下泉所以思周也語云大國惡有天子而小國利之

春秋之時無天子矣幸有霸在控大扶小庶乎寡亂若無霸天下未可知也檜之匪風作于東遷之前曹之下泉作于齊桓之後思周同為時異矣齊桓在而曹治齊桓亡而曹亂曹之繫齊久矣昭公即位齊桓方霸救邢城邢侵蔡伐楚侵陳伐鄭有役必出曹為齊謀豈後于宋共公守之志無變也齊桓薨遂改事楚宋桓輔齊而德衰于襄曹昭助霸而業墮于共此二君者皆嗣賢而不肖者也晉文正共公之罪執而復之公歸急圍許以示順曹斯服矣及乎文公盟新城宣公盟斷道事晉朝魯終身不渝四十年間國無

大恐懲于前亂以克長世不可謂晉文一怒無造於曹也曹入春秋桓公已老病不能朝魯使世子攝行魯賓以上卿之禮莊公繼位魯桓公兩至其地以會諸侯以詩世考之曹之變風尚未作也未有變風之曹安曹者權在魯衛既有變風之曹安曹者權在齊晉莫非時而已矣

成公

各負芻宣公庶子絺世子自立成十四年即位襄十八年卒在位二十三年謚法安曰成

成十年春三月癸丑會晉侯衛侯鄭伯曹伯宋世子成

齊國佐邾人同盟于戚晉侯執曹伯歸于京師

春秋左傳卷十六
十六 秋曹伯歸自京師

十七 夏公會尹子單子晉侯齊侯宋公衛侯曹伯邾

人伐鄭 冬公會單子晉侯宋公衛侯曹伯齊人

邾人伐鄭

襄元 春仲孫蔑會晉欒黶宋華元衛甯殖曹人莒人

邾人滕人薛人圍宋彭城 夏仲孫蔑會齊崔杼

曹人邾人杞人次于鄆

二 秋七月仲孫蔑會晉荀罃齊崔杼宋華元衛孫林

父曹人邾人于戚 冬仲孫蔑會晉荀罃齊崔杼

宋華元衛孫林父曹人邾人滕人薛人小邾人于

戚遂城虎牢

五 秋公會晉侯宋公陳侯衛侯鄭伯曹伯莒子邾子

滕子薛伯齊世子光吳人鄆人于戚 冬公會晉

侯宋公衛侯鄭伯曹伯齊世子光救陳

七 冬十有二月公會晉侯宋公陳侯衛侯曹伯莒子

邾子于鄆

九 冬公會晉侯宋公衛侯曹伯莒子邾子薛伯杞伯

小邾子齊世子光伐鄭

十 春公會晉侯宋公衛侯曹伯莒子邾子滕子薛伯

杞伯小邾子齊世子光會吳于柤 秋公會晉侯

宋公衛侯曹伯莒子邾子齊世子光滕子薛伯杞伯小邾子伐鄭

年十一 夏公會晉侯宋公衛侯曹伯齊世子光莒子邾子滕子薛伯杞伯小邾子伐鄭 秋公會晉侯宋公衛侯曹伯齊世子光莒子邾子滕子薛伯杞伯小邾子伐鄭會于蕭魚

年十四 春王正月季孫宿叔老會晉士匄齊人宋人衛人鄭公孫薑曹人莒人邾人滕人杞人小邾人會吳于向 夏四月叔孫豹會晉荀偃齊人宋人衛北宮括鄭公孫薑曹人莒人邾人滕人薛人

杞人小邾人伐秦

年十六 春三月公會晉侯宋公衛侯鄭伯曹伯莒子邾子薛伯杞伯小邾子于溴梁戊寅大夫盟

年十七 夏衛石買帥師伐曹

年十八 冬十月公會晉侯宋公衛侯鄭伯曹伯莒子邾子滕子薛伯杞伯小邾子同圍齊 曹伯負芻卒于師

年十九 春葬曹成公

武公 名滕成公子襄十九年即位 在位二十七年 謚法大志多窮曰武

襄二十二年 夏六月庚申公會晉侯齊侯宋公衛侯鄭伯曹

伯莒子邾子滕子薛伯杞伯小邾子盟于澶淵

二十一年冬曹伯來朝 公會晉侯齊侯宋公衛侯鄭伯

曹伯莒子邾子于商任

二十二年冬公會晉侯齊侯宋公衛侯鄭伯曹伯莒子邾

子薛伯杞伯小邾子于沙隨

二十四年秋公會晉侯宋公衛侯鄭伯曹伯莒子邾子滕

子薛伯杞伯小邾子于夷儀

二十五夏公會晉侯宋公衛侯鄭伯曹伯莒子邾子滕

子薛伯杞伯小邾子于夷儀

二十六夏公會晉人鄭良霄宋人曹人于澶淵

二十七年夏叔孫豹會晉趙武楚屈建蔡公孫歸生衛石

惡陳孔奐鄭良霄許人曹人于宋

二十九夏仲孫羯會晉荀盈齊高止宋華定衛世叔儀

鄭公孫段曹人莒人滕人薛人小邾人城杞

三十冬晉人齊人宋人衛人鄭人曹人莒人邾人滕

人薛人杞人小邾人會于澶淵宋災故

昭元春叔孫豹會晉趙武楚公子圍齊國弱宋向戌

衛齊惡陳公子招蔡公孫歸生鄭罕虎許人曹人

于號

十一年秋季孫意如會晉韓起齊國弱宋華亥衛北宮

佗鄭罕虎曹人杞人于厥愁

十三年秋公會劉子晉侯齊侯宋公衛侯鄭伯曹伯莒

子邾子滕子薛伯杞伯小邾子于平丘

十四年春三月曹伯滕卒 秋葬曹武公

平公 名須武公子昭十五年即位
在位四年卒謚法治而無青曰平

昭八年春王三月曹伯須卒 秋葬曹平公

悼公 名午平公子昭十九年即位二十
七年卒在位九年謚法恐懼從處曰悼

昭二十年夏曹公孫會自鄭出奔宋

二十五年夏叔詣會晉趙鞅宋樂大心衛北宮喜鄭游吉

曹人邾人滕人薛人小邾人于黃父

二十七年秋晉士鞅宋樂祁犁衛北宮喜曹人邾人滕人

會于扈 冬十月曹伯午卒

聲公 名野悼公弟昭二十八年即位三十二
年弒在位五年謚法不生其國曰聲

昭二十八年春王三月葬曹悼公

三十三年冬仲孫何忌會晉韓不信齊高張宋仲幾衛世

叔申鄭國參曹人莒人薛人杞人小邾人城成周

隱公 名通平公弟定元年弒兄自立在
位四年為弟弒謚法隱哀之也

定四年春三月公會劉子晉侯宋公蔡侯衛侯陳子鄭

伯許男曹伯莒子邾子頓子胡子滕子薛伯杞伯

小邾子齊國夏于召陵侵楚

靖公名露聲公弟弒隱代立定五年即位

定八年春曹伯露卒 秋葬曹靖公

伯陽靖公子定九年即位

定十年秋宋樂大心出奔曹

十一年秋宋樂大心自曹入于蕭

十二年夏衛公孟彊帥師伐曹

十三年夏衛公孟彊帥師伐曹

哀三年夏宋樂髡帥師伐曹

六年冬宋向巢帥師伐曹

七年秋宋人圍曹 冬鄭駟弘帥師救曹

八年春王三月宋公入曹以曹伯陽歸

晉厲公之伐秦也曹宣從焉卒于師公子負芻居守

殺太子而自立是為成公戚之盟晉侯執之歸于京

師傳稱霸討然而未盡善也伐秦之時曹國告變諸

侯請討大師未散曹公子喜時不直其兄國人附之

晉仗義而前誅負芻立喜時反掌間耳閔勞弗伐縱

之二年又同盟于戚然後執焉彼竊有辭矣齊桓公

甯母之盟鄭文公使世子華來聽命華私于齊請去

三族為內臣桓公將許之管仲不可而辭焉春秋猶

以為華為太子而有貳心鄭之罪人不當與盟齊既

春秋列于會而後辭之其辭也晚今負芻殺太子罪大于鄭世子華晉與同軟始加拘執則曷若先執而無盟之爲愈也曹伯既執歸于京師晉不自討而請于王也晉文公執衛成公歸于京師經無子辭不予晉之以臣屈君也負芻之執無元咍之訟而有天王之聽直在晉矣忽自京師歸何哉衛成公之歸襄王歸之也曹負芻之歸簡王歸之也晉怨衛曹王乃使歸主京師者未或有權然而衛成公春秋欲其歸者也曹負芻春秋不欲其歸者也欲其歸而歸天王之能斷獄也晉文之能補過也于一歸盡之矣不言京師可

也不欲其歸而歸歸曹伯者誰乎謂之王命則執曹伯者晉也謂之晉志則歸曹伯者京師也曹人請于晉曰寡君若有罪則君列諸會矣晉無以對而釋之歸曹伯者固厲公也然其歸也實自京師簡王豈不聞焉春秋書曹伯歸自京師非獨爲晉累亦爲京師累也然負芻既歸一心事晉二十餘年間伐鄭圍宋會吳救陳伐秦圍齊會盟征伐霸令是循及乎武平國無瑕釁伊誰之力蓋公子喜時之爲也喜時與負芻皆宣公庶子負芻篡殺卽謀出亡國人將從負芻懼而請留喜時歸致私邑于公不食其祿惡彼逆也

晉執負芻欲立喜時辭而奔宋曹人屢請復其君晉
曰喜時反君乃歸也喜時不得已而反曹伯歸又盡
致其邑與卿而不出斯人也君有惡則逃之有難則
免之與之以國而不受縻之以祿而不屑行在潔身
志存社稷度其賢殆以吳季札之高兼宋目夷之仁
者也讓國出奔天下義之歸爲國鎮諸侯大夫必共
矜式焉晉重喜時而兵不及曹曹有喜時而列國不
侮負芻之見執于晉也如衛成其歸而能和其國也
亦如衛成喜時雖不仕立乎國中曹之上下咸定之
矣易世而武公修政從晉無改莫非仁者賜也語云

善人國之紀也喜時係曹豈特善人哉縱其嗣有罪
猶將十世宥之胡爲乎至悼公而公孫會自鄭奔宋
也會喜時之子鄭其食邑也自鄭出奔非叛也待放
也曹國幾亡喜時存之有一子而不能容悼公之薄
也宋華向之叛而奔也先書入南里宋公弟辰之叛
而奔也先書入蕭皆據地而叛也鄭有食邑而不敢
據卽未知其以何罪奔其奔也猶有禮焉喜時之功
高于季友公孫會之心順于臧紇而曹不能反絕以
環喜時其將無後于曹乎竊恐天之不祚曹也悼聲
隱靖相繼短世伯陽卽位納宋樂大心遂啟爭端衛

靈公好軍旅使公孟彊兩帥師伐曹宋窺其間樂髡
向巢屢歲尋兵甚而圍且入焉執曹伯陽以歸說者
曰曹伯陽好田弋公孫彊獻白鴈進以霸說曹伯背
晉而奸宋宋人伐之晉人不救遂迄于亡然以時攷
之晉霸絕矣自救不暇安能庇曹哉春秋中國之侯
無大于齊晉曹之所恃亦莫如齊晉定哀之際趙鞅
自晉陽復歸而晉將亡陳乞弑其君荼而齊將亡兩
霸國將亡曹惡能獨立孔子刪詩繫曹檜于國風之
後檜風卒篇傷無王也曹風卒篇傷無霸也曹共公
時齊桓初亡詩人卽有無霸之傷降而晉定齊悼誰

有舉伯職存弱小者乎檜亡者東周之始曹亡者春
秋之終閱二小國而天下之變可略覩也

春秋列國論卷十六終

表形及國語



